




THE LIBRARY
OF
THE UNIVERSITY
OF CALIFORNIA





5563.8

4045

Opportunity

鹽城三世稿序

夫子嘗有言曰夏禮吾能言之杞不足徵殷禮吾能言之宋不足徵蓋以文獻無傳故也至於無傳則雖邦國歷代之史其不爲楚檮秦棄之但遺其名者幾希矣日族叔炳馨氏屬余曰吾門先世世蹟九世祖鏡巖公以上載在國乘且詳誌狀耀人耳目班班可考不可架疊而八世祖同樞公下鄉以後文獻微微無傳可勝歎哉攬撫於塵箱斷爛之中僅得南下公中生員時詩義及策文各一度平岡公嘗吟詠平岡韻一首登鄉解時詩義一度與祭文一度諸公挽誄

若干湖隱公雜詠詩與歌及諸公祭文挽詞若干而
已不及今蒐輯則南下公經濟之抱負平岡公無偏
之行誼湖隱公積累之澁工必湮沒於烟塵之中難
免杞宋之無徵矣爲子孫之地安可任諸蠹蝕而已
乎故將欲謀諸剗剗願相助役焉顧今贖貨征利猶
罵破聖賢書而孰知愛重父祖之遺唾若是耶而今
叔氏之誠誠可尚也不敢以不文牢辭云爾歲戊子
仲春下弦日族孫璘寧謹識

鹽城三世稿卷之一目錄

南下成均生員公遺稿

策

田賦策

義

詩義 于嗟乎騶虞

鹽城三世稿卷之二目錄

平岡公遺稿

詩

平岡軒原韻

附次韻

義

詩義 基命宥密

祭文

祭吳進士壺山

道源

公文

挽錄

挽詞

家狀

墓碣銘

並序

鹽城三世稿卷之三目錄

湖隱公遺稿

詩

乙巳冬與舍弟丞九外從李蘭坡

相巢

會于山

齊

六首

逢外從李敬烈

陽範

妹婿姜乃成

管欽

唱酬

別外從及妹婿

山齋浪吟

九首

逢湖中客夜吟

逢李敬烈

陽範

宋梧岡

準憲

次金允洪

權容

湖松齋韻

鹽城三詩補

詠硯

謹次宋丈

漢韻

壽宴韻

次洪議官

鍾敬

錦下亭韻

逢李敬烈宋梧岡夜吟

次閔承旨

永直

錦雲齋韻

謹次成叅書松湖

永鑑

壽宴韻

次劉梧亭

文錫

鰲谷書堂韻

謹次李草心亭

臻慶

晬辰韻

題金剛山長安寺

宿長安寺內京城館

次江南金

東、候

石愚亭韻

次成輔賢

卿修

晚翠堂韻

謹次成余洪

漢修

大人上舍松溪亭韻

松溪亭廣和十勝景韻

次劉農隱

子乾

壽宴韻

次成斯文

憂鼎

湛樂樓韻

謹次李六峯

鍾宅

溫泉精舍十景韻

挽成叅書松湖

挽宋晚悔

漢鳳

挽閔承旨錦雲

二首

次陳德守

泰鉉

敬修齋韻

次孔孝子

彥發

晚憚堂韻

挽成晚翠甫賢

挽李慎庵

孔雨

成晚翠影幘奉安時感懷

二首

禪雲寺儒林鍊成會吟

歌

禪雲寺風景歌

書

與外從弟李陽範

序

甲乙稷序

附錄

挽詞

祭文

家狀

墓碣銘

並序

鹽城三世稿

鹽城三世稿目錄

鹽城三世稿卷之一

南下成均生員公遺稿

策

田賦策

對於庠王政之大莫先於制賦之道而方今之務莫
急於陳起之辨何者昔之荒廢者今或墾起而仍不
覈審則國失制賦之要而無以給其資用之道矣前
之墾起者今或荒廢而因加徵稅則民有自地之冤
而無以遂其樂生之業矣故自夫田疇之以起爲陳
而惟正之供不上于國阡陌之以陳爲起而均賦之

澤不下於民仁政焉必欲自經界始而陳不得以爲
陳起不得以爲起陳起之間虛實相混混雜之際巧
僞相蒙兼并之風以之而成矣措克之弊以之而作
矣則其於均田制賦之道制產遂生之意果安在哉
如是而欲望其貢賦之均也民生之安也不亦難乎
愚誠歎畝中人樂爲氓於 聖人而目擊時事竊自
慨然曰覈審之法非不周矣而第等焉不明陳起焉
互蒙矣踏驗之規非不詳矣而災實焉相混貢賦焉
不均矣則爲今之計其可以不擇其人而一以委之
於刀筆俗吏之輩因循姑息之徒責其審覈之務而

望其均賦之道也耶必有識時務之俊傑體我 聖
上行仁政之盛意而特加精察而明覈之然後庶可
復其任土作貢之休而不失其均田制賦之道矣乃
者 執事以識務之俊承 九重行仁政之意禮圍
今日以是發策其與子張子慨然有意三代之治而
未始不以經界爲急者殆相類乎愚請討論其大畧
也若夫潤澤之則在吾明執事也遂爲之說曰禹貢
之以貢名篇者其意何在一篇所載九州之山川而
要不過三壤成賦蓋我 國之八路區分卽禹貢之
九州也我國之三等均田亦禹貢之三壤也國之相

去也千有餘里而山川焉不以大小而有異世之相
後也千有餘歲而成賦焉不以前後而不同隨其地
之區分而畫之九畫之八者與之符焉隨其土之饒
瘠而三其壤三其等者與之同焉上以是賦之下以
是供焉則其所以成賦之義寧有同異之辨乎是以
我國山川之所分田賦之所均悉倣乎禹貢之制
相爲表裏而卽一夏於東方則稅有定制取於下者
不踰賦有常法供於上者惟正以之而民國俱利上
下相安則夫豈若後世之則必取盈於凶年者也然
而丹雘之美非不炳矣而或至於渝崑精之良非不

美矣而或生其瑕制賦焉必以其法而不足之患生
作貢焉必以其道而俱困之弊起則厥故何帛此法
不能徒行而任之不得其人之過也苟不得其人而
任之則其所謂良法美制適足爲文具而仁政終不
可得以行矣實效終不可得以食矣故曰人存政舉
吾有所受之也請因明問而條列之我東之關北依
山爲塞而與冀州接北漠同焉我東之萊州并服來
貢而與楊州近焉夷似之而國有大小勢異要害則
我朝之所重與冀楊不同者可知矣我東之關東
最稱名區而實無愧於梁州之形勝我東之三南最

稱陸沃而亦不讓於雍州之上上則國雖有大小之
別而謂之相與埒埒可也自岍岐至碣石之山由積
石入于海之水率皆自西而東自南而北之山由
關東西注之水形勢差與之異而其人物土產之有
同於中國者東史已言之矣愚何必疊床於是曰堯
曰青之漆絲鹽絺金之於荆楊也璆鐵銀鏤之於梁
也各隨其土之產而儘爲有國之所不可無則豈以
我東之地而獨無此等物產乎白壤于冀黑壤于兗
赤埴于徐塗泥之於荆楊壚黎之於豫梁皆是土色
之所辨則我東之白其壤黑其墳塗泥赤埴而壚黎

者豈無某州某邑之如彼如此而愚之所欲論者不
在於是則請姑舍是而以言其最關於經國之先務
者可乎嗚呼我 國之於禹貢非特山川之與同而
物產之相似也禹貢之所重者在於貢賦而我 國
之所重者亦在於貢賦而已矣試以夏后氏作貢之
制言之則其意甚盛矣其法誠美矣可謂傳之萬世
而無弊者而及其後也莫不善之言至發於龍子之
口則此果不失其先聖王作貢之本意歟蓋由乎後
世征歛無藝者之過也大禹氏制貢之意豈端使然
哉今以我 朝言之則山川之界以八路而區分者

非禹貢之九州乎田賦之以三等而均制者非禹貢之三壤乎昔我 聖祖以薄斂之政行什一之法式遵夏禹氏五十之貢而田有定制經界之仁政得矣稅有定法惟正之常供賦焉民有阜財之樂 國有蓄儲之盛者于今三百年之其休矣 祖宗之仁政美制既在乎均田制賦則 神孫之所以遵守者宜與天壤相契而埒美於夏禹矣奈之何田政漸紊而今不如古貢賦不均而後不及前有此法久弊生之歎耶頃於庚子歲特令改量于三南則田之不均者庶可得以均矣稅之不平者宜無所不平而昔之起

者反有荒廢之患今之陳者反徵白地之稅釐正之
未幾而疵癘旋起覈審之纔行而真偽相混則民
國惡得以不困公私惡得以不竭乎均田之美意至
是而莫行制賦之良法以之而莫施則愚不敢知厥
故何哉人心之不淑者與法俱弊而莫可以救正耶
世道之汚下者與政漸壞而莫可以挽回耶愚嘗躬
耕數畝出粟米麻絲事其事竊竊焉私語曰弊之滋
生者未必不由於法之不美而或有法美而弊自生
者是不可罪之於法也咎在於用法之人也治之未
成者未必不本於法之不仁而或有政仁而治不成

者此不可諉之於政也責在於行政之人也用法之人誠盡心而遵行則弊何由以滋生行政之人誠秉公而勿懈則政安得以不舉也愚請明言之昔程夫子陳十事疏請行經界之法而以得人爲本朱夫子上四事劄請修經界之政而以擇人爲先者豈不以法雖美矣而必待人而後方可以用之政雖仁矣而必得人而後始可以行之也歟是以均量之法雖美而委任之臣不得其人則必不能均修而平分烏在乎其法之美也覈審之政雖善而所幹之人不當其才則必不能精察而明覈烏在乎其政之仁也田之

陳起不可不覈而民之濫僞莫得以禁之則虛實之
相蒙何由而得覆稅之均否不可不審而吏之恣恣
莫得以察之則真僞之互蔽奚自以得審不先得人
而欲陳起之無混望田政之必均者此何異於不服
田而望有秋也是以今日之弊莫過乎民國之俱困
而愚則且曰不足恤也今日之務莫急乎陳起之明
覈而愚則且曰不足詢也惟在揀擇其人而委任其
政也誠願我 聖上服癸卯 宣廟之教而擇其人
委之以經界之法昔我 宣廟傳教于政院曰必令
該曹擇送御史是以溝洫之制明田畝之界正是非

我 聖上所可法者乎亦願我 聖上體甲戌 仁
廟之諭而得其人任之以覈審之責昔我 仁廟下
諭於御史曰爾等體予恤民之意是以寬平之政行
仁明之頌興此非我 聖上之所可則者乎苟能遵
二聖之遺意揀一代之賢材則使之均民賦而民
賦必無不均之患矣使之覈陳起而陳起必無相混
之弊矣其於追夏后成賦之美而致虞民阜財之休
何有夏將諛見復於篇尾曰方今之急先務其止於
辨陳起均賦稅而已耶吁土者民之所食也衣者民
之所服也宅者民之所居也則獨不可以所食之土

而有其制也亦不可以所服之衣所居之宅而無其制也衣必有等級之別而賤者僭貴者之服則恬侈之習不可以不禁也宅必有限量之法而卑者處尊者之居則僭踰之弊不可以不革也財以之不節用以之匱竭者未必不由於此等之痼瘼矣惟執事入告于聖上必得其人而先行其均稅之仁政而後衣服第宅亦從以俱有限節則民無匱竭之患而國有紅腐之美矣豈不休歟豈不夥歟吁謹對義

詩義 于嗟乎騶虞

烏虜余嘗觀關雎之詩而知文王之德覽鵲巢之詠
而知南國之化遂自喟爾曰由內及外者文王之至
化也承流宣化者南國之諸侯也浚仁大德洋溢乎
遐邇而民無不獲物無不遂則其化之入人者可謂
浚矣而其澤之及物者可謂廣矣故諸侯之仁非其
自仁也文王之化有以馴之也諸侯之仁不待勉強
也騶虞之仁有以似之則詩人引物取詠咨嗟歎美
者夫豈偶然哉今觀騶虞篇曰于嗟乎騶虞夫所謂
騶虞者非真有是騶虞也所以比文王南國之化也
騶虞自然之仁曷足以形容其至德乎然則不履生

草者騶虞之仁也而字詳其德者諸侯之仁也不食
生物者騶虞之仁也而子惠其民者諸侯之仁也騶
虞之仁則出於自然而諸侯之仁亦出於自然騶虞
之仁則不待勉強而諸侯之仁亦不待勉強則騶虞
也諸侯也人物雖異而其爲仁則一也以諸侯而謂
之騶虞也則宜大較騶虞者非衆獸之比也出於聖
人之時而爲王者之瑞則于嗟其仁可謂至矣苟非
南國諸侯之仁其何以騶虞之仁稱之乎南國諸侯
承文王之化修身齊家以治其國而其仁民之餘恩
又有以及於缺缺缺缺其春田之際草木焉旣茂矣

鳥獸焉且多矣天壤之間和氣充溢而化育之仁覃被普洽則詩人之所以歎美其事而發之以于嗟之辭重之以騶虞之稱者不亦宜乎嗚呼文王之化不由勉強而自近及遠故諸侯之承其化者亦不待勉強而有此仁德則以騶虞而美其諸侯者豈特爲諸侯而發也於此可見其至化之人人者深矣然則騶虞之仁豈獨於南國之諸侯詠之肅肅兔置其才可用則是亦騶虞之仁也羔羊之皮自公委蛇則是亦騶虞之仁也至於于嗟仁兮公子振振者亦莫非騶虞之仁也周邦之人皆是騶虞也周邦之物皆是騶

虞也何必長其尾黑其文然後謂之騶虞也哉噫于
嗟者其非歎美之辭乎騶虞者其非獸中之仁乎將
稱諸侯之仁而先起嗟歎之辭將言諸侯之德而直
稱騶虞之仁則騶虞之仁其非諸侯之仁乎諸侯之
仁其非騶虞之仁乎人與物無間而此真所謂騶虞
矣詩人詠歎之意尤可見矣抑又論之騶虞之仁不
能自出也聖人之化有以致以也諸侯之仁亦非自
仁也文王之德有以化之也騶虞之性仁厚而其跡
也仁厚文王之德仁厚而其諸侯亦仁厚則當時之
化其何以形容耶不如是則殆不足以形容故其必

曰子嗟乎騶虞文王之至德之人人渎者益章章明
矣吁謹義

平岡公遺稿卷之二

平岡公遺稿

詩

平岡軒原韻

路挾繁華人語聽奔遑世事豈身寧詩中雅趣香生
榻壁上奇觀盡列屏千年家勢云平地十里水聲隔
近汀依山小屋清幽界剩得閒眠也忘形

附次韻

松鳴澗落有時聽余友棲遲必保寧碧語生庭多
好竹奇書滿壁作華屏放聲尺地携詩墨儉樂午

詩

監本三
天過石汀聊把衷情雖贈句清儀何可盡成形

清道金秀泳

君有清言我必聽靜中爲得養心寧門前大野三分路屋後青山數疊屏秋夜讀書明月榻春風隨柳夕陽汀歸來平地神仙否啼鳥浮雲未盡形

雲下清道金秀鶴

滿屋書聲側耳聽家畱平地一身寧他山有石能攻玉明月侵梅瘦幻屏穿林高躅雲溪逕臨水清歌日暮汀啓居自任衣冠古氣像從容且莫形

長澤高雲瑞

家隔湖西近接聽主人無事得身寧詩書架積千
年業松竹庭圍一畫屏山色多奇時入輶水聲有
曲夜回汀草堂都是仙緣境清潔閒情脫俗形

南岡晉州姜奎重

世話煩襟不謾聽平岡別屋老康寧自娛泉石林
間屐兼愛圖書枕畔屏芳草人來半峙路垂楊客
渡虎溪汀坦然心事逍遙日出俗淳風舊典形

湖松清道金權容

主翁高義孰無聽曾在春風自得寧閒中堅固山
河壁靜裏分明日月屏門外平田田外野庭前垂

臣如三
和卷之二
柳柳前汀茂北湖南多別景奇奇色色萬千形

平杜茂松庾基聲

歸卧平岡絕世聽神仙可作且康寧
礪磬澆澆因鳴瑟山色重重自盡屏
遠害翳看麋鹿院尋盟暮下鷺鷥汀
古川花石依然在遙想當年別業形

族孫璘寧

有詩宜詠有琴聽自在平岡歲月寧
嵐滴古城連野樹雲歸禪寺繞山屏
步隨佳景林開路踞洗塵襟石露汀
賢子奇孫能紹述青氈不改舊時形

清道金澤容

義

詩義 基命宥密

吁孝思成王宥以體陽密以象陰故命以基而宥密
何則基天之命而永言孝思者成王之孝也緝熙單
厥而陽德正中者成王之德也靜言思之而陰密成
德者成王之業也則今夫成王之孝夙夜靡懈而又
能承于上而積于下成王之德夙夜無間而亦能靜
乎陰而宥于陽者茲豈非體陽之義乎亦豈非象陰
之旨乎是知陽德而陽德焉宏濶者成王之宥密也
陰德而陰德焉靜濶者成王之宥密也茲故積下承

上而必以基命稱之合陽配陰亦以宥密言之則示
言孝思者自在於包蘊之中合德合陰者亦在於言
意之表縱不稱其孝思而照管於不敢康之外雖不
言其陰陽而包括於單厥心之中則方可以理會基
命之義也又可以發明宥密之旨矣蓋基命者積累
之謂也宥密者靜淡之意也何以明之聖經垂訓何
莫非親切著明古人立言亦莫不喫緊著實而朱夫
子之訓誥娓娓乎發揮胡雲峯之疏說鑿鑿乎分疎
則基命之旨有如日星之明槩矣宥密之義亦若龜
監之揭照矣大抵明微著蘊都在於文字之間開與

聞幽亦在乎言語之上若其親切而著明則未有如
此之丁寧至其發揮而論著則無有若此之的確基
命之義昭昭於一言之中宥密之旨在在於數語之
上則執此以究而基命之旨有不難辨矣宥密之義
無有隱奧矣基命宥密之意豈不章章可明也哉吁
謹義

祭文

祭吳進士壺山

道源

公文

嗚呼公之家閥卽沙湖節庵兩先生之苗裔也世居
于松沙傳守文學永保儒名明時科慶綿綿勿替業

稱本鄉士族而公克紹前烈自少至老未嘗不以講
論爲業讀書必究其疑難玩理必析其微奧早有成
就之方 高宗朝以中司馬試令名顯達乎當世京
湖士友莫不交遊矣噫當中年厄會之際逢彼先山
天水之變新縣新營未獲伸枉而至於 天聽瀝血
叫號曲盡誠孝之心舉實事蹟照載積成之券如是
者三豈非斯公卓然之行歟先墓堅碣可以攻他山
之石厥孫貽謨教不倦盈架之書其於修身齊家之
道五事全備九族敦和性本剛毅不染汚俗尤爲鄉
里之慕仰矣曾當甲午之東亂擇仁而居鎮縣可謂

君子之得智幸值丁酉之暮春治裝而還梓鄉復續
故舊之相迎是以結隣於一嶺之間種種陪見教誨
之道諄諄如親子弟不啻世誼之縈絳託承師道之
尊嚴也於焉公道白髮星星偶然得患雖云踰月爾
篤神明所佑速臻勿藥之慶余日望之矣不意遽承
凶音情私攸及切切悲懷祇恨莫追哭公之几筵如
臨陟降之靈入公之室堂忍見手澤之存目之所矚
心尤有感嗚呼痛哉難制之情言不可以盡之故敢
忘愚拙構數行誅辭

附錄

挽詞

之子於吾長六年今焉遽爾此行先情雖兄弟真無
奈誼復嫻親倍悽然一生樂在人間福三達化爲物
外仙遠遠泉臺何處是丹旌歸路七星前

禮泉咸平李英煥

雲衢萬里忽沈光餞訣衣冠摠感傷德備渾躬連世
業文成錦繡仰門墻騎鯨有恨江風迥哭鶴無聲夜
月涼淡淡遺名應不朽碧溪淚濺水流長

咸陽吳時豐

南州長老去士類哭之悲青氈遵世業白首感恩資

林泉吾志樂詩禮厥謨貽病未趨臨壙英靈庶鑑茲
問春清道金淮容

先以哭公次哭吾哭猶不盡更長吁兩世厚情多廣
顧五旬故誼許相孚式穀雖因賢胤在遺懷其奈總
隣孤從今千古幽明隔何處承顏杖屨扶

晚悔新平宋漢鳳

二老生並一世間去畱何異淚班班許心共托難忘
誼問病誰知永訣顏禮壞風潮惟九日歌登薤露却
青山浹旬微恙秋蘇起滿幅哀詞匍匐還

南岡晉州姜奎重

鹽城二四和卷之二
不可久留此世情禪雲仙侶夏尋盟歸來平地猿聲
起謫居長沙鵬賦成事業無他攸好德威儀尚古獨
專名一朝千載遼東國落日山亭有鳥鳴

曉石全義李鳳周

大耋翩然去此生寧不悲身榮兼好德家法有嚴師
落日長沙郡淒風蒿里辭從前澡潔士歷數如公誰

六峯咸平李鍾宅

慟哉舅氏永今訣何日渭陽再送親七星草結子孫
恨平地花殘杜宇春嶺路歸雲淡萬淚荒原暮雨吊
千人五福兼全罕古事臨終稱德不違真

甥姪咸平李陽範

人間公道命由天無復吾鄉儒子賢海里恒從閒
伴江南忽作駕鯨仙杳茫丹旆斜陽裏悵悵薤歌絲
水邊去後高門餘慶在叢蘭寶樹繼青氈

南平文永善

哀詞此日激爲新仙化渾渾八十春家聲種德千年
計樑月傳神一度身旌丹紉素傷心路雨灑風悲掩
涕人賢士吁嗟龍蛇歲哭公疾行水流瀆

咸陽朴漢權

維岳降斯賢逍遙八十年風儀超世俗德性養林泉

久享人間福忽爲天上仙哭公還有慰旌樹後春傳

清道金浩容

此行從古莫能留何事秦皇妄藥求先人故誼於斯
盡痛哭青山淚自流

全州李宇燮

曾聞壽必由仁得始見今時有德隣人間了債真無
憾郁郁庭蘭自得春

全州李銳燮

享年八十尚其志高卧林泉日月長潤德春溪荷上
露嚴容秋肅竹間霜論文句句章章得言事非非是

是詳昇平生又昇平老生而無憾死還傷

平社茂松庾基聲

修鍊仙蹤自任真
昭回南極降精神
青氈遺業傳三世
白髮無憂享八旬
蔭職承知恩奉日
德和兼得太平春
松沙暮雨丹旌下
不昧靈魂似見親

南陽洪基泰

玉削平岡特立崢
嶸儲精始發我先生
八十人間清享福
邵翁歸後共齊名

新平宋元植

同里多承誨一朝遽作仙
忍將蒿下土益仰達尊賢

全州李敬章

斗南有福宿安享八十年氣宇幽蘭秀家聲寶樹傳
大稱平地老遽作上天仙於式將無路倍多涕淚漣

親睦稷一同

家狀

府君諱重基字斗賢平岡自號也系出延安延安之
李以諱茂爲鼻祖公以唐中郎將從蘇定方東征畱
仕新羅食采于延安因以貫焉羅麗之際子姓蕃衍
名公巨卿磊落相望而遙遙華胄未能盡錄入

朝有諱元發號隱峯抗節不仕贈左議政是生諱

貴山資憲大夫三道都觀察使判刑戶兩曹與伯氏
康胡公諱貴齡並見輿地勝覽歷春川府使諱續成
均生員諱根健至諱仁文司馬文科兵曹叅議 贈
純忠補祿功臣禮曹叅判延安君生諱珠司馬文科
直提學止三陟府使子諱慶宗叅奉止礪山郡守
贈議政府左贊成子諱澍號益峯文科翰林 贈
議政延寧府院君子諱昌庭號華陰官止咸鏡
使 贈吏曹判書子諱梲號鏡巖文科持平 贈吏
曹判書子諱悠徵同知中樞府事自京始下扶安子
諱漳郎階通德自扶安移居于松沙子孫仍居焉於

府君五世祖也高祖諱萬華號南下成均生員潛心

經學有至行曾祖諱之亮號溪隱 贈叅書官祖諱

周延號松北 贈秘書監丞考諱瓊德號畱齋 贈

侍從院副卿妣光山金氏秀五之女文元公沙溪長

生后也 贈貞夫人生庭考諱用德 贈侍從院副

卿妣 贈貞夫人茂松庾氏滢之女判書順道后也

以 哲宗壬子七月三日亥時舉府君子平地里第

生而天姿清秀稟性至孝婉容愉色不離侍側必有

酒肉志體俱養終善兄弟癸酉丁所后內艱內子丁

外艱丙申丁生庭外艱壬寅丁內艱十二年居喪殯

歛襄奉一遵朱文公家禮晨夕哭奠朔望嘗掃雖祈
寒溽暑一不廢行每值兩家忌日則致哀致敬無異
袒括之時各處累代墳墓石儀與墳庵以一新豎修
爲生平事業貯書庠糧以爲兒孫肄業之所而鄉子
弟有俊秀者則必招而愛教之至於哀慶相問族親
姻婭間已無可論而雖下隸之家必躬往審問宗族
鄉黨咸稱孝推焉處世以溫和爲主而至於義利之
辨正色峻論一刀兩斷望若泰山喬嶽屢叅鄉解終
屈於禮圍小不掛念而歸於數命處之泰然甲辰筮
仕 莊陵叅奉乙巳陞通政大夫掌禮院秘書監丞

階嘉善考以上三代之追榮皆以府君貴也文章餘
事終不爲傳後計慟矣慟矣丁卯六月九日以天年
考終于正寢壽七十六以禮月葬于海里面七星洞
東麓先塋下巽坐之原配貞夫人昌寧成氏璟鎮女
文孝公士達后也幽閒貞淑有女士風多內助生同
壬子先府君九年戊午十月二十五日卒墓雙墳祔
左生四男一女男長聖九次拱九 獻陵叅奉次丞
九卽不肖次榮九女適晉州姜信欽長房有二男三
女男長炳容次炳淳女長適全義李炳彪次適商山
金鐵鏞次適新平宋成寶次房有三男四女男長炳

聲次炳教次炳哲女長適文化柳昌煥次適晉州
琪默次適全州李鉉哲次幼三房有二男二女男長
炳湜次炳勳女長適晉州蘇光鎬次適靈光丁煥秀
季房有二男二女男長炳甲次炳乙女長適晉州姜
啓元次適高興柳濟宇信欽有二男二女男長道永
次喆永女長適高興柳斗錫次適安東權赫鎮內外
曾玄不盡記嗚呼不肖無識顧安敢誣稱贅說而幽
明之間恐難免不明不仁之罪泣血泚筆如右以竢
立言君子戊子二月下弦日不肖丞九泣血謹識

墓碣銘

並序

名門世胄亦不必世濟其美興替之理然矣雖然式微之餘才雋之人嶄然出頭角則不問可知閱閭閻遊裔而下鄉士庶之所罕有也若平岡李公以名家後承魁然著稱於近古而其落鄉六世也名位雖遜於古而至今優保郡望名門有後可信其不誣矣公諱重基字斗賢號平岡籍延安唐中郎將諱茂鼻祖也羅麗賢碩踵作隱峯諱元發入本朝抗節不仕贈左議政諱貴山三道都觀察諱仁文兵曹叅議

贈純忠補祿功臣禮判延安君諱埭直提學諱樹翰

林贈領議政延安府院君諱昌庭咸鏡道觀察使

贈吏曹判書諱椀持平 贈吏曹判書諱悠徵同

知中樞府事自京南下扶安諱漳郎通德自扶安又徙居松沙於公五世祖也高祖諱萬華成均生員文行著稱曾祖諱之亮 贈叅書官祖諱周延 贈秘書監丞考諱瓊德 贈侍從院副卿妣光山金氏秀五女 贈貞夫人生庭考諱用德亦侍從院卿妣茂松庾氏亦循例榮 贈皆以公貴也公以 哲宗壬子七月三日生于郡北平地里第端好精秀風儀迥別性又孝至盡誠於所後致愛於所生怡愉承順無少違忤有不安節迎醫合藥不以委人及丁大故毀

不欲生奉奠展墓晨夕采勤酒肉不御經帶不脫前後喪如一待人接物信義可掬謹於奉先公墓之犯窆者掘之犯界者還之寘祭田以資歲一祭之需早治舉業屢叅鄉解而屈於南省亦不介懷甲辰蔭調莊陵叅奉陞通政轉轉至秘書丞階嘉善追榮三代而京居族戚汲引而然非公素志也丁卯六月九日以微疾卒于正寢壽七十六墓于海里面七星東麓先塋下坐異原配夫人昌寧成氏璟鎮其考甚有婦德先公九年殷戊午十月二十五日也墓雙兆祔左四男壘九洪九 獻陵叅奉丞九榮九一女適姜

信欽孫男炳容炳淳李炳彪妻金鉞鎬妻米成寶妻
長房出炳馨炳教炳哲柳昌煥妻鄭琪默妻李鉉哲
妻一未行二房出炳湜炳勳蘇光鎬妻丁燁秀妻三
房出炳甲炳乙姜啓元妻柳濟字妻四房出留玄繁
不盡載公之胤丞九手草事行以牲石之銘屬筆於
不佞不佞年迫九耄精魄已離文墨非其任辭屢而
請彌勤遂據狀力疾而銘之銘曰

延安之李東方名閱源溪流長簪紱蟬奕不寧惟是
接武名碩潁山大澤龍虎攸宅侃侃惟公衰季之
來展所蘊運值百六寘酬不食于姓昌鬱七星之

有崇四尺我銘不諛庸告來百歲戊子暮春下休晉
山姜天秀撰

鹽城三世稿卷之三

湖隱公遺稿

詩

乙巳冬與舍弟丞九外從李蘭坡

相集

會于山

齋

事與理成有始終
伺察幾微各不同
山容盡脫霜前葉
夜氣澄清月上桐
世逢草昧三分鬧
心抱葵忠一片紅
經傳垂訓由斯聖
教誨諄諄戒爾童

其二

師門進退摠由恭
君子乃成備九容
水自揚波鄰

詩

石月將在律叶黃鍾松森古墓來巢鶴雪擊老枝冷
玉龍幸有遠方詩上友前遊未足更和從

其三

白日流西映碧江漁舟暮笛渡雙雙歲月無情過隙
驥山扉漏俗吠仙獾寒梅詩唱香生頰半架燈明影
射窓壯如項籍今安在遙憶當年禹鼎扛

其四

惟君心志我應知席上奇珍先數之萬事優休酣白
酒一場湛樂唱紅詞霜前木落山容瘦窓外夜濤月
影移談話多端堪不寐更將手板偶頤支

其五

四友探驪子獲先清遊日夕共雷連小洞烟消朝雨
裏暮天鶯下一江邊野說聞來多變俗山樓默坐若
登仙懶對寒燈頻卧起徘徊萬念不成眠

其六

歲晏朔風尚作寒乾坤變態此中看江山雨雪成三
白賓主東南並二難琴酒逢場乘雅樂瓊瑤數幅報
平安燈明小屋團和氣濟濟青衿摠弱冠

逢外從李敬烈

陽範

妹婿姜乃成

信欽

唱酬

如山仰止是君豪始覺南州聲價高竹館月來琴匣

詩

嘯松園風起夜驚濤草玄先把床頭筆曳白白生紙
上毛金昆玉季團和氣湛樂無央我興桃

別外從及妹婿

誰把子衿青天將使雨停幟幟西東句送君十里亭

山齋浪吟

生於東國隱湖南萬事無心小俗談好花色色江山
盡大麥芄芄雨露含我停盃問青蓮月人讀書歸白
石庵如有前頭成美日名聲振作一豪男

其二

竊廬卧念是前頭願得明時聞達求芳草盡生豪士

軒落花惜歎美人樓峯巒開野天空濶瀑布如雷石
動流世事消磨何所趣江湖十里伴閒鷗

其三

芳草羣物盡難能擊節驗人夜剪燈柳絮狂風輕白
打桃花斜日映紅蒸訛說多端傳野客浮雲無事伴
山僧昇平其樂須何在但願今年百稼登

其四

三月客來五里亭杏村斜日一樽傾事當道理分先
後權必稱量識重輕芳草含烟初夏氣落花如霰暮
春情湛樂詩歌何所在一錢不用買雙清

詩

其五

梅花溪屋動絃歌其樂陶陶興復何性非決水東西
走世與浮雲聚散俄空庭無月倦眠穩芳樹成陰鳥
語多春信已歸占夏候霽天日氣適天和

其六

涼天負手步虛庭轉眄風光眼拭青葡萄盃酒三春
興楊柳樓臺一枕醒用兵誰有胃藏甲不學人無眼
識丁長安名利終無賴浪蹈西湖意自寧

其七

草堂溪處有柴扉數里客筇十扣歸寒泉冰合流將

思老樹風高葉正飛絕勝景光詩上盡蒼黃世事夢
中稀焉得西湖竿一趣絲簑青笠釣苔磯

其八

玄冥啓候届初冬李友山房幸適逢讀書能識修人
道學稼莫如問老農月宜琴嘯明生竹風起波濤靜
聽松閒把聖經堪遣日消磨世事不拘儂

其九

寓山樂又在清江偏愛月明半倚窓孤松最老曾
鶴落葉多聲自吠猿世皆易惑無根說士必宜居有
道邦童子何知余心事燈前垂首坐雙雙

詩

逢湖中客夜吟

南遊壯跡卽吾公志氣軒軒一二同
聽陰不改風生竹屋價還增月上
桐圖書從事青年友桑梓歸休白
髮翁千里長程分手去湖山何處
更相逢

逢李敬烈

陽範

米梧岡

津憲

在昔吾遊問幾何或臨於水或登峨
芳草原頭乘酒力奇珍席上放詩歌
盟如有約同車笠才不及初問
魏娥鵲花欲老桐花發還惜春光
感物多

次金允洪

禮容

湖松齋韻

七曲風烟境高占逸士隣暮年安
素分叔世笑紅塵

謹次成叅書松湖永鑑壽宴韻

鹿葱草色再回春一日花開二日新
琴瑟緣稀僧老地塤簾聲樂共和隣
親恩倍感劬勞節君寵難售播
越塵無疆青海洋洋酒子酌孫斟介壽頻

次劉梧亭

文錫

螯谷書堂韻

特地尋常野叟家佳名顯晦待人多
愿槃董栢千年下如不梧公螯谷何

謹次李草心亭

臻變

醉辰韻

今年適值降生年蓬矢桑弧掛戶連
稱觥香泛黃龍節彩舞袖長白日邊
極有星躔光照耀性由天賦德

詩

兼全安山幻作商山否四皓去兮又一仙

題金剛山長安寺

金剛物色訪淮陽驛路高低千里長
斷髮嶺東峯疊疊問仙橋外水泱泱
芳草帶烟占夏候落花如霰歎春光
香到箇中名勝處繁華人事破天荒

宿長安寺內京城館

夕陽歸坐京城館一詠一觴暢敘情
風鳴斷壑松濤怒月透叢林夜氣清
那堪千里鄉園夢將罷五更杜宇聲
去路茫然開戶視庭花淨掃到平明

次江南金

東侯

石愚亭韻

樂能共醉述能醒自此遊人去又停空谷石鄰揚水
白南山霧罷入簾青詩因逢席同言志客有來時每
掃庭惟君不是庸愚者一片靈臺正莫形

次成輔賢

卿修

晚翠堂韻

背郭堂成山更幽時時來去寄遨遊簷櫺暗暗交陰
密澗畔遲遲落葉流萬卷貯書傳事業一生清儉遠
華浮晚來棲息於斯在獨破世間種種愁

謹次成余洪

漢修

大人上舍松溪亭韻

青山幽不入塵紅溪上臨亭路轉通善門餘慶克
嗣聖代功名司馬中樂水潺潺聞數里老花寂寂動

詩

香風後而肯構承先志百世遺芳莫與同

松溪亭廣和十勝景韻

老松鶴觀

松影參差西復東想應棲鶴在其中庭前枝借幽巢
老不與繁華世俗通

平川漁磯

平川物色見尤奇白石清灘取適宜溪友投竿野老
又垂垂鶴髮斜暉時

榜峴樵笛

榜峴之陽高出門憑聞樵笛那邊存兩兩兒童來復

去時飛聲裏日將昏

古城晴嵐

城頭嵐氣雨餘新
遙看依稀漲細塵
半壁浮沉堪入
畫詩人自愛賦清真

安市夜燈

地形開市望寬平
夜半香燈掛戶明
廣陵壯觀奚須
說恍似衆星天際橫

兜率曉鐘

孤菴遠隔碧山亭
搖落鐘聲到曉庭
枕上忽然驚夢
起東天欲曙掛疎星

詩

鵬山明月

鵬山日晚行人稀秋色入簾月更輝
寒天起放知還鳥緬昔陶潛栗里歸

鷄郊嘉禾

禾登畦隴色黃浮鷄喙魚肥饒興秋大抵生成多變
態花開時節作仙區

竹林初雪

凌寒氣節與松齊擎重老枝高且低如助竹樓聲碎
玉叢林儻近子城西

蓬萊歸雲

松溪蓬島境相分常近閒雲不俗紛胡云遠岫無心
出物外真緣有是君

次劉農隱子乾壽宴韻

六十太平春無疆壽且仁海屋華籌久星躔瑞色新
昆季斑衣舞賓朋好德隣一陽生月日爲賀幾多人

次成斯文長男湛樂樓韻

如君兄弟最高明自此勝樓顏色生會期長在盈虛
月談話轉淡和悅情百層畫棟飛雲際半畝方塘引
水清永年晚翠堂前樂孝友兼全義不輕

謹次李六峯

鍾宅

溫泉精舍十景韻

詩

溫泉飲瓢

山南精舍臨泉上添得雨餘幾度寒爰處爰居眞所
樂飲瓢不改道心寬

方塘觀魚

盈科水色方塘濶養汝魚兒歲月淺潑潑游兮其得
所那非造物自然心

盤松聽琴

翠蓋亭亭架斷壑風來瑟瑟五音清志在峨洋頻靜
聽感曾鍾伯兩人情

菊峯賞秋

峯名以菊特澹秀借看九秋晚節香西風回首還堪
賞誠有箇中臭味長

砥柱臨流

屹若千年華表柱却疑歸鶴訪虛汀朝暮風光多所
助依稀石面鎖烟青

沙羅振衣

溪友山翁多邂逅振衣新浴對斜暉十里明沙生遠
睇白鷗漠漠向人飛

雙溪濯足

雙流隔唱滄浪曲雅度安能蒙俗塵清可濯纓高尚

志蕭條異代願同隣

草峯爲筆

草峯一抹幻花筆
畫出年年色色春
五老文章傳去後
假鳴詩債復清真

盤石醉月

盤石坐如采石夜
青天消息問停盃
無眠興樂於斯在
何必取登近水臺

飛龍看雲

飛龍不但在天上
望出雲中是碧山
似霧非烟遙指點
時時無事捲舒閒

挽成叅書松湖

松之山來自南兮氣象如彼而崔嵬松之水環其東
兮德量如斯而弘恢松之北北斗下兮聞望蔚然士
夫魁人士相逢吁嗟而說道兮如公何處更對顏顏
此一坊德惠不可忘兮涸魚得水鳥還山墮淚人情
奚獨襄陽士女兮千古風聲江漢間

挽宋晚悔

漢風

長沙長老在承誨幾多年風儀非俗類德性是天
難禁公道髮遽休帝鄉仙舸式將無路此生淚自漣

挽閔承旨錦雲

二首

挽

監方三
和春之三

噫彼錦雲去何時
覓君親千年金谷主
一代玉堂人
永作終天路
誰爲好德降
哭公
慰寶樹滿庭春
嗚呼公之享福也
富有千斯
廩實爲三品之正公之
齊家也不無六行之全備
公之
其世也允爲一方之
矜式
天難諶矣
人胡云斯患候雖云
踰月彌留春秋
又未隆邵以其神明所佑
速臻勿藥
余日望之矣
千萬夢想之外
承訃驚惶旋作匍匐之行
入公之室堂
忍見手澤之存
哭公之几筵如臨陟降之靈
慟矣慟矣
矣夫哀情之所難抑
言不可以盡之故敢忘愚拙
排

數行誄辭

次陳德守 秦鉉 敬修齋韻

追慕祖先肯構堂森松栢彼高岡孝思隨時霜雪
感講論度日世塵忘溢眼烟霞匝地鎖澗曾海水連
天長別園花石今如許傳子貽孫氣味香

次孔孝子 彥領 晚悔堂韻

老大號爲晚悔堂於仁於孝敦能當六旬襄境廬居
遠百里茲鄉世遺芳心將霜露那無感恩戴昊天永
不忌瞻掃封塋何處是竹青洞外彼梧桐

挽成晚翠甫賢

嗚呼公之壽兮六旬有七公之富兮千箱萬斛公之

挽

樂兮琴書自適公之惠兮傾廩賙乏公之蔭兮滿庭
蘭郁公之德兮親戚悅服遽然觀化誰再於式落日
長沙人士奔哭幽宅何處松山之北誼當匍匐有拘
甚愿只以短詞畧敘衷赤

挽李慎菴

孔雨

嗚呼維公之享福兮守分安命既富好禮維公之擇
仁兮於禮於智爰居爰處維公之事業兮旌先閭宅
樂終琴書維公之慈善兮義捐倉廩賴及黎庶維公
之德蔭兮賢胤克紹家道勿替維公之志氣兮其尚
清高衆所景仰維公之喪逝兮訃音忽到涕淚自零

青山會葬白日淒涼有底吟病未卽赴臨追拜及今
悚愧于心靈其不昧庶幾格鑑

成晚翠影幘奉安時感懷

二首

背西直向東一棟乃成功齊會重陽日講論詩禮風
松篁清不俗泉石永無窮滿幅儼然像分明如在中
西岑晚翠向天東盡閣捲簾瑤旭紅半畝方塘偏愛
月別園脩竹自清風英靈庶鑑承安處書籍猶有積
累功克紹箕裘賢胤在吾生爲賀志相同

禪雲寺儒林鍊成會吟

雲山九月講文明自此儒林倍色生實踐躬行動苦

挽

事誓令有志竟能成

歌

禪雲寺風景歌

天開地闢於今後
禪雲山高於於今
高麗史樂志
禪雲山曲載在
於高麗時長沙人
於征役遠方
於金於過期不返
於於其妻思之於
於於登是山而望
歌於於於明帝時
天竺寺於於於佛
像往古來今本
於於於南中此山
開基於於於建佛
宇於於於於於於
於於於於於於於
古刹於於於於壯
麗於大寶殿丹青
色色玲瓏於於

世人間の高出は白石川流横帶は九層石塔
屹立の時千箇童佛羅列の時三金佛の正坐は
坎中連屈指は又大慈大悲は様々祈禱發願は
小宮の前門の萬歲樓一大鼓音鑿鑿は後園の
千百林上下禽聲鑿鑿は工列西來閣の主僧
徒の宿食處に守令方伯行次時は騷人行客往來
間の支供八節所當の立重大地千斤懸磬擊報
暮は立立十里洞の鳴震は夾門外靈山殿風
磬聲の錚錚は盡棟檻の翼翼は十六亂殿列
坐は台上臺山神堂壁上の活動畫鬚眉皓白二

老叟亦把扇騎虎於火上曰降臨神靈歟乎此
堂禪師遺像이며義雲國師影幀也세그外則十王
殿開門見之하락이런龍鳳刻座臺上의列坐其次
十王이며金菩薩이中坐하야無毒鬼王傍從이며
道明尊者近侍하고守衛한兩門直이一左一右하
얏스되廳拏大踢怒氣像이打之蹴之하얏하니可
笑可畏이하닌가右便門八相殿中門안의드러서
時額號하바리보니懸板의三刻字瞻星殿이分明
하고樹林間一里許에內院庵이復有하니緩步徐
行을나가서距里中央當到하니五浮屠白面石에

西山蓮峯諸堂號。次第刻立。於巽。於乾。暫時彷徨。
於舍後。於孤菴前。門臨見。於今。一峯絕頂。開基。於。於。
數級。練石爲除。於。上。疊樹層檻。對起。於。於。二間長房。
通闊。於。於。小金佛。於。端坐。於。上。數幅綃畫。掛壁。於。於。
一層空樓。在傍。於。於。絕浮埃。逼些涼。長夏居處。第一。
於。於。後園。於。於。三。於。小泉。於。湧出。於。於。居僧徒。於。
纓水。飲。於。極樂界。於。兼仁智。於。訪風景。登臨。客。於。於。
喉斜陽。於。於。於。一盃水。於。快飲。於。於。更從來。道。於。
於。於。萬歲樓。於。偃息。於。於。往事。歷歷。於。於。於。於。奇。
怪形蹟。於。於。於。馬房前。白石碓。於。他山石。於。可攻。

聖方直上形體磨之琢之於矣人得說三則見

此方直上形體磨之琢之於矣人得說三則見
難動之時數斛水豈可盛之哉古人得說三則見
火山之近視於寺中失火間有引水克火元元
理也舊時推造於寺中長時水云云於正禮佛
前沉木香土所自出也於寺中本寺創建於金
之連抱之材斫伐於寺難悉用之於於寺中黔堂師
之妙道術長淵江之投之也於寺中百年後之
朽敗餘木沉香土列邑寺之播用也於寺中百步許之
碑閣街檜木間之於寺中數仞墻垣也於寺中一
間小門也於寺中雙立石朱紅刻雪白坡之碣銘也

引一則金秋史△所書△一則蔡樊菴△所製△△
鷲峯巔東雲庵△寺後洞石上庵△△別無奇觀△△
△△此皆雲寺所助△△費道不己△△△△如此
物色△△△後△餘興△陶陶△△△四近方多小景△
夏加評賞△△△△五里東險山外△長淵江△帶
流△△漁樵船往來間△朝暮鍾△鳴到△△寒山
寺外彷彿△△十里南大道走△△白余峙△屹然△
△箇中耽翫亦多△△沙門外樹林間△蜈蚣塔△
石築△△△水砧洞△在茲△△△桑海須臾改變△△
白石碓△猶存△△路傍咫尺念佛巖△南無阿彌

隋佛字朱紅漢刻於茲乃草雲僧之所製也中工
以刊一樹亭連抱之材可成於此挾路特立於此
以樵客行旅休息所也數三處石長承云雨洗風磨
於此上於此便壺於此則重疊青山環寺於此無
媒逕路草蕭蕭斗顛之倒之以此乃海上蓬萊接
見也金西十里堯率庵云間有俗傳於此也唐貞
觀年所建也金萬千氣像絕勝於此小金剛也也
於此春三甘雨花開時也秋九晴霜楓晚節也遊賞
興樂於此也皆盡往觀乎於此也小遵彼微行於此
於此水碓洞也也古也於此谷水畔石逕斜也步步遠

上이 내 몸이短筇의 비거서서 前瞻後顧徘徊하니
四環峯巒作障이 時千層巖石奇怪하 幽竹清陰
不俗인디 下兜率이여 기로다 絶壁水 灌圍하 且
白石泉이 出場하 々翼然한 七星閣이 臨于泉上하
與스며 上兜率이여 대 立高高地形傾危하 且層
層石棧崎嶇하 々僅通行路하 々기 宅下臨無地은
나기니 香風不動松花老이 淸淨한 三楹佛殿體樣
이 奇古하 々各色彩刻木圖畫金鯉水鰲活動하 々
剏廟之工神妙호세 其下銅佛庵不知何時造成인
기 千秋往蹟惆悵하 々千百尺截巖壁의 丈六佛像

...

刻朴矣。正儼然於其面像。合鑄銅之朴。外朴亦順治
年號。曾當朴矣。戊子大風旱。爲朴墮地片碎朴也。
企引數十里。朴震動朴。工朴字所架石穴。朴
時兩邊鐵釘猶存朴。完久朴刻印佛習堂處。朴穿
孔朴。小石門音。朴飛鳥上。朴迴臨朴。右便
朴。다다르니千尺斷岸極落朴。密密樹木森天朴。
曰人跡不到朴。七處立左便。△도다三處巖壁。△
朴。前縣監李續夏昔宰是邑朴。金爲朴姓。名
字刻朴矣。工朴雲祭壇金莎鋪地朴。於是曰天
旱不雨朴。가드哇白白至誠禱之朴。々蒼蒼感應朴。

北山金北樓의 滿月臺北巖率은俗傳인대漠然千
古外친터의依倚風光如舊臺세左右層巖壁立하
다掩上通下窟이되고一邊磐石陂陀하다百餘人
이可以坐며金灑竹석근舍靑淒涼山月의이외고
南峽의鶴巢臺攀鵲巢履巖巖飄然羽化色나가니
曾棲玄鶴간디업고至今風景不殊하다石間泉水
自流다悽然心思感古하다石苔上의移坐다가登
彼西峯轉盼하니俗傳하난西巖率이只存丘墟하
다다絶峯上瀑沛水난廬山의하니모디掛長川
이分明色세短杖을거디잡고步步轉進내려오니

皇朝
卷之三
一

石窟中起出庵古來形跡奇異하다曾時龍伏窟中
以方丈山十六羅漢移居此地하다을하의喻龍出
去하다는矣。龍不聽順하다。氣로拿龍石上鞭之하다
뒤奮迅出去하다。龍의劈穿前山巖穴하다。左右兩
峽壁立하다。因成一洞。蛇處하다。蛇蜿蜒屈曲。對磐石
의鱗甲之形印成하다。至今名稱龍門일세。夏向東
峽。谷하다。가니東兜率廢刹舊址。樹木成林하다。矣。하
四面의尖怪石의半空의音되。하鎗劒形의仿似
豆叶周覽興味不盡하다。懺堂寺하다。저소。以前後層
巒相對하다。左便의挾路하다。右便의峻嶺인。中雄

壯哉大法堂菊花門
旨哉藥師殿彌勒佛
千年不老好與스時
大室重修好色好
의櫟上所題仔細
보니大唐貞觀十八年
에三重窓을일니스니
眞是古刹이니
신將軍水清冽泉은
飲可療病조흔시
고禪雲山자시
알나면奇絶景致만
견마은晚生後
世一介人이千百年
曾往事은難可知
悉하거기로
畧舉其槩하엇도
戊庚戌五月十二日

書

與外從弟李陽範

旬間半日話緣此忙還未罄
底蘊而厥后寅晡屢禪

歌

卷之三
一六

悠悠懷思暫不弛于晷刻者雖係情好之殊人祇以
粹面間阻之故獨倚山牕浪吟憾憾西東句而已更
請綠陰勝紅愼體果何調度此是例崇庶當勿藥蘇
效晝宵切冀暨以精熟高才設講於精舍尋繹涵養
想必若昏夜揚燭克免墻墮之患則是乃士子之所
當勉也寧無一言追賀耶內從在此山峽蠢作無事
日爲黃嬾之所困只有雲烟發人好意思往往灑然
惺神強登近家一簾棲息于盤根松香風不動開花
老便覺尋真入誤更向同麓下白石灘快飲一掬水
歌濯纓一曲後退卧里外小亭浮雲淡近午天趣得

乎數株楊柳之間傍人謂余以儉閒學少自顧所樂止於斯長足而於少一之歎未嘗不在吾君矣其間悵耿何可盡喻且有一說焉君案積書不爲不多而惟獨春秋書固所懇請者則幸須初二卷暫爲借送以副溪望如何以若非薄之質雖屢年多讀掩卷輒忘十不一二存焉况復幾個之月安敢望通曉哉但當涉獵得破午睡計耳餘不備禮

序

甲乙楔序

夫吾楔何爲而設也粵自壬子繼至七個年星霜其

序

約東條例昭載舊案不必贅道者而這間人事掣肘
講信解弛未嘗不深慨于茲矣金君采炯詢訪各員
圖所以永保前誼乃資金特爲釀出則吾輩其在相
愛之地不無贊同故亦加收若干金仍終楔事以美
終始之意粗述此文以示不忘之資云爾

附錄

挽詞

六十年間再別兄慟哉何處更逢兄泉臺難作長吁
立棣院徒悲未見兄

承襲家庭詩與禮友于兄弟翁和長淺恩至訓同親
父見背今朝哭斷腸

從子炳甲

憶昔同窓誼計來倍感傷弟賢無所患子幼未全忘
昨日世間客今朝天上郎瑞皇何奪速爲吏案畱香

石愚咸平李士憲

茂北湖南第一區爰居爰處是遨遊靜中曾抱廟
策辭裏眉攢邦國愁九月菊萸無暇日七星松栢指
山邱今焉已矣終難作空向西天更怨尤

族孫璘寧

接

溫明稟質優文識賢父兄兼孝子孫信昔華顏春萬
歲悲今白髮日西昏七分影幘音容優十幅書屏手
澤存含蓼造門嗟未及追題挽誅欲傷魂

梧亭江陵劉文錫

忽斷村春止巷謳高人一夢紫臺幽詩魂幾愛青蓮
月病骨堪憐白露秋朋榻笑談從此寂法家楷範向
何求弟恭兄孝孫如玉遺蔭無窮繼世流

湖松清道金權容

亂山殘笛夕陽斜寥落仙庄立望邀滿座春風團和
氣盈壺秋水淨無埃康寧白髮吾鄉黨傳守青氈世

葉家爭道門闌猶不寂一莖蘭茁又新芽

平社茂松庾基聲

嗚呼惟公天資穎悟稟性純直文辭富瞻操履正確
章甫信仰鄉隣矜式勸我以學文輔我以善德對酒
相勸戒論文又磨琢東隣聽鶯伴南樓玩月客或先
或在後出入公門日有事相論議有難共解決在私
能周詳在公克清白鞍山七月日談笑正自若不過
二三朔倏爾奎星落溘然長逝兮音容永相隔鄉黨
無依賴士林盡失色雨愁雲且迷山嶺水亦咽臨訣
欲表衷情悽然不能成筆

皇朝詩林
卷之三
三

江陵劉載淵

儒雅風流夙所欽
固窮養德老邱林
學文當日由專力
言行平生不愧心
詎料仁人無上壽
奄驚鄉里出凶音
欲題哀誄先垂淚
悵望佳城遠樹深

鶴山昌寧成寅修

惟公氣宇異於人
意謂百冀晚福新
和如春暖多施德
潔若秋清不染塵
生亦咸稱非俗類
死能無愧入仙鄰
知交來拜青山下
寥落寒天海霧頻

全州李銳寢

長沙一隅有斯賢
德性渾然克繼先
固守操行鄰里

服正言儀禮自家傳驚人奄作青山客厭世還爲白
玉仙執紼親隨安葬後西風灑淚摠無緣

高靈申商雨

公之德宇海波洪所履從來惠愛中天不憖賢今古
恨佳城殘月淒涼風

儉齋南陽洪珪杓

嗚呼公之爲人兮氣貌豐且隆棲息巖巖下人稱湖
隱翁直身終日坐從知內厚重風槩難可攀言談理
不冗懇款引人喻誠能感豚魚迹其生平志還視塵
俗居早志公車業晚荷潯陽鋤齊家有素畫詩禮宜

監城
所傳綱淪法數日渾聞孝友全七旬尚康平胡意天
不吊賢者不得壽天意正難料

南陽洪在萬

延安古宅有斯賢養德率貞七十年至今夜夜空山
月長使餘生淚滿巾

晉州姜同欽

惟公雅性稟天真閒卧林間結社親榮利不求嗟白
髮琴書自足守青氊百年將擬無恙老九月安知永
別隣也識泉臺靈不昧夢中拜謁夜來辰

外甥柳昌煥

康寧六五尚無憐何事忙忙向九原日落長沙秋色
晚諸賓灑淚七星村

三峯全州李京奎

試考人人所適治空將名利率忙馳橫波信道公家
獨世業傳來禮與詩

南陽洪在哲

世道紹述繼前功業以詩書孝悌風俱是吾門多景
慕棟樑摧矣泣蒼穹

三從孫雲寧

德門洪福有斯翁棟樂蘭和罕似公遽化登仙難復

觀悽然心想限無窮

侍立門屏迴俗塵一團和氣座如春
忝居姻末無爲久警歎靡承感益新

晉州姜啓元

冰清玉潔芳其身詩禮衣冠華一身
去後遺風猶不滅人間難作此翁身

外甥全州李鉉哲

岳靈維降似公賢端雅風儀煇介身
案上著編遺手澤嗟乎多士誦其仁

月溪清道金采容

隱自湖中隱怕聞世說隱漁樵爲業隱耕讀正心隱
吾德吾修隱我仁我擇隱聊思公後隱肖子必如隱

外從弟咸平李陽範

物吾無間素心清生有成功死有聲一片青山催鶴
駕千年幽宅占牛鳴文章磨玉益添潤富貴脫鞋還
視輕獨夜追思難掩淚奈其兄弟兩家情

內從弟昌寧成殷修

祭文

維年月日舍弟丞九謹具菲楮哭告于湖隱仲兄靈
几曰嗚呼吾門祿衰薄先年伯兄奄見早世每當春

挽

秋節日則未嘗不顧瞻墓木而悲痛難堪矣繼又兄
不顧踽涼之身而告訣割半之痛古人雖云之在弟
益見其甚耳自幼而就學弟有違規兄乃牖導之期
於已止平居陳古人善行格言懇款引進之忽有善
味不獨其口而必連床共哺又有遊賞使必連履每
花朝月夕引袖促膝諷詠時物而致慷慨於古人不
遇而湮沒者曰此今古一轍矣何致恨之有汝等一
遵古聖成法而勿願其外嗚呼此是吾兄平日信得
於經傳而密付余無似者何不遵守之顧此駕下未
能之事負幽明實多矣第念弟亦氣血日頽抑未幾

而陪從於地下矣生不能守規戒之萬一而又忝所
生者衆矣更將何辭而見兄於後日乎所慰門之羣
兒叢茁庶望馴擾之勿墜先武伏惟尊靈庶鑑微忱
嗚呼尚饗

內從兄湖隱處士襄奉之日丁巳外從弟咸平亭陽
範謹具數行文以菲奠再拜哭告于湖隱處士靈筵
曰嗚呼痛哉貪狼山高氣之鍾淑公生其間隱湖行
義學入經綸行不邪曲承染家訓曰詩曰禮一時士
流莫不從逐修身及家肯允能繼嗚呼每年正八月
間進拜則笑而迎我今日哭拜則笑迎俱空恍若無

聞病卽赴宿一夜而逝矣自飯舍時至虞祭時執
禮以情也如無知也已如有知也知弟之痛情矣湖
隱齋唱酬之情甲辰三冬之同寢戊申秋九月靈光
之同行己酉春禪雲寺遊山之跡兄亦知也否乎聲
音則有耳根餘錚而典型則不可復拜矣云胡一崇
遽棄戚親千古此別無復來期今焉已矣孰知我私
孰知我來逐年問答以書以禮有我之間有誰而答
自擬聖壽天理難諶金剛山遊期臻再覽與弟共遊
奄歸泉臺兄言虛歸若有共遊更起九泉以思平昔
之情義亂我致奠之精神言念及此惟兄無言我淚

霽襟極天之靈庶幾鑑臨

維歲次丙戌九月壬寅朔十三日早朝從子炳淳謹
具酒果再拜伏告于故仲父湖隱公之靈筵曰嗚呼
公之有生神降岳瀆穎悟超倫百人之特姿貌秀清
器宇宏博近之則溫望之則肅早自就學誠切勤篤
研鑽蘊微博覽經籍篤於養親供甘殫力有命無違
定省晨夕友于昆弟旣翕且樂有詩共吟有酒共酌
物我無間戒以布粟理家有法勤慎儉約律身以正
待人以慈憐我早孤如子拊鞠我事如父隨命必服
趨庭承訓餘力受學孜孜勸勉不倦嚴督誦言在耳

思之如昨胡爲一崇彌雷跨朔藥不奏神崦嶺日薄
大命在天惟續乃屬慟矣慟哉腸裂哽塞有疑誰質
有過誰責已矣靡逮穹壤漠漠於焉居諸祥期臨迫
凡進將接悲恨靡極敢陳一酌伸以衷曲伏惟英靈
鑑此歆格哀哉尚饗

維歲次甲申九月壬寅朔九月十六日襄奉之辰也
前一日丙辰驪輿后人閔禹植謹具鰯核菲品哭告
予故湖隱處士李公之靈前曰嗚呼與公生並一世
相結金蘭之契自少至壯往來不置擬以朱呂之朝
暮遇也志氣既合言亦同師而學講討疑難相資而

取益每以知己相許焉及其冠乃托同姪之誼何幸
相遇之不偶然者哉惟公天賦甚厚而體膚豐偉氣
宇軒仰挹其芬則燁燁者芝接其儀則溫溫者玉家
有義塾先丈平岡公之教訓頗嚴擇師而就正導之
以義方能於詩能於禮所受於趨庭者有素矣學既
成克世其家不替紹述之功事親而殫其誠敬處於
昆弟益敦和樂之情至於待人接物推之以謙恭其
所踐履者皆自禮法中做得儘是德門之棟樑鄉黨
之俊髦也體養益強神氣不耗意謂壽臻於耆耄之
域矣何乃二豎侵苦跨朔委床孝厨供藥靡不竭誠

已矣一問之慰未幾遽作千古之別其於命何村眷
不杵咸曰賢士逝矣隣里匍匐況平昔情誼余豈在
乎人後耶臨窆含泣仰蒼思之則白首追逐之友漸
稀如晨星之寥落可勝歎哉春風花開之日與誰而
共山水之遊秋天月明之夕與誰而共詩酒之樂乎
鐘期一去牙琴斷之爲其世無知音者故爾念及于
此益切無窮之悵恨也薤歌已發丹旌飄飄玉樓何
處伴長吉而脩天上之文耶歟情緒山積言不盡意
靈其有知庶此歆格哀哉尚饗

維歲次乙酉九月戊申朔十三日己未姻弟清道金

思容謹具菲酌再拜伏告于故湖隱前叅奉李公之
凡進曰嗚呼公之有生也風貌端潔志氣倜儻接人
應物動作之際每有可則之儀少嘗好學濡染庭訓
自知勉勵經史典籍靡不博涉其文翰筆法遵其古
人之體製而偉且精焉致誠於繼述無忝厥武孝友
之行聞於人儉約之風著於家律己以正持心以敬
鄉黨咸稱善士年及十五與阿姊結冠笄之稱榮動
私門慶誦乘龍余自冲年陪從承誨觀感於操履之
間者愛我以德輔我以仁有疑難則必就質焉有過
差則必矯正焉恒如薰蕕之倚玉樹受賜深矣昔在

令甲之年飄然市履往遊金剛山寬恢朗杓領畧名
區勝槩而還何其精力之快也自後甘息塵機靜坐
看書非有事故手不釋卷勝友相訪談詩傾觴雌黃
萬念從此都灰如是者四年矣忽然爲化兒所戲委
困於床褥之上月旣三朔世無秦越人回生之術天
何不佑竟作九原之駕豈不慟哉臨病而問臨窆而
哭不能償源源之宿債光陰不留練期奄至仰蒼思
之則警咳言笑依然在耳若將接之而望彼青山宿
草已荒徒勞一時之夢也吁嗟乎公之後蔭振振子
俊孫茂克承父祖之遺訓門戶之望長進未艾今日

之所慰於公者有何未忘之憾焉魂遊仙臺千古是
寧靈其鑑此庶庸歆格

維年月日地上友新平宋景植謹具漬絮之奠再拜
敬祭于湖隱李公靈几之前曰嗚呼哀哉人之有生
或壽或夭皆於有生之初自有一定之命數而壽是
五福之一夭是六極之一也人孰不舍夭而取壽哉
然而人固有夭而亦壽者又有壽而亦夭者若夫子
所謂朝聞道夕死可矣者身雖夭而名則壽也若原
壤之長而無述老而不死是賊者身雖壽而名則夭
也然則其壽也不足喜其夭也不足懼只觀其人之

事行而已。我公之在世六十有幾年矣。居家也盡其
雍睦接人也務其和悅持身也儉而能深處世也貞
不絕俗六五之年非不爲壽而以公之德何其壽不
滿其德耶嗟乎我公茂松華族世居同鄉相知已篤
迨乎中年重以菰蔞心志交孚情誼周密有時逢着
肝膽吐說平生親誼非若尋常知舊之可比也胡然
一疾遽至不淑悠悠此恨爲其有極玉樓初成秉筆
於天上耶修文爲郎從顏卜於地下耶居諸流邁三
霜奄迫几進永撤儀形愈邈謹具薄奠哭盡衷曲不
昧之靈庶幾歆格嗚呼哀哉尚饗

維年月日干支晉州蘇在義謹具薄奠哭訣于湖隱
李公之靈曰嗚呼人之百歲所營何事大要奔忙於
榮利而不知爲人之道爲何如也多耳天生斯人非
偶然而各有道具焉豈人而廢棄而鳥獸不如乎嗚
呼公生于法戶見識卓然而能繼先武者矣孝於親
生葬及祭一遵禮度溯而上之盡誠於先墓友于昆
季自少至皓首連案究學枕衾共之教子有度使之
能遵守先美人之見者不問而知爲法家之奇矣且
公氣岸魁傑志槩倜儻不羣物無足適其意而獨好
諷詠雅懷輒有廣和者不知歲月之流而晚好泉石

忘世間之榮憂晦跡于山巖日遇古人於簡編之中
湖隱之扁自此始矣嗚呼公生死無憾而可謂克脩
爲人之道耳如余不才從還多年得見其踐履之萬
一矣是以畧敘微忱靈其有知庶幾歆鑑

維年月日干支全州李生鉉煜謹以薄奠哭告于湖
隱李公之靈嗚呼公兮粵自就學趨服庭訓所履已
卓資質聰慧博聞強記性本溫潤德容是備諄諄言
論人醉于德落落落風氣孰能敢逼持身謹度不愆尺
寸齊家有術全坊取憲至于事親供脩于職生事葬
祭殫誠竭力早志仕進嘗期功業後乃棄去實學踐

隣嗟余不才多蒙引喻嘔面命不悟不措此非私
余八人子弟見其不善懇款牘啓臨事敬謹雖細不
易人之初見疑其不智獨其洪謀知者爲誰淵淵乎
中見外惟辭未展素抱賁志而歿悠悠昊天害升害
沒積善餘慶孔子云之聖人欺余其報必殷六旬康
貞期躋遐壽豈意一疾不受神祐所謂理者其亦難
謀挽誅入哭庶鑑微忱嗚呼痛哉尚饗

維歲次乙酉九月壬寅朔十三日甲辰卽我姻丈主
湖隱李公之期而小祥也姪婿新平宋成實謹操一
章文數牒脯再拜哭祭于象生之筵曰維我姻丈延

安華閭茂松古族生長法家詩禮之學軒軒氣像如
維嶽之降精溫溫和氣若春陽之布德意謂天將福
善極登壽域六五之年胡其吝嗇維吾兩家世居同
鄉非徒世誼之厚嗟余年甫十四猥蒙館甥于尊門
夤緣出入拜謁于軒屏者于茲近三丁星霜矣愛我
撫我無異親濬兩嗟余無似出沒苦海東西奔忙未
能數數進謁背負眷厚之意多矣回顧世間腥塵滿
地無處寄身豈厭世之溷濁潔身以逝耶抑亦在天
在地爲星爲嶽耶一章哀詞九原難作且哭且拜敢
告靈側在天之靈不昧來格嗚呼哀哉尚饗

維甲申九月甲寅朔十七日庚午外甥全州李鉉哲
謹具菲儀之奠再拜哭告于外舅主湖隱李公之靈
曰嗚呼哀哉冠山淑氣鍾生賢人風儀端雅澄澈無
塵性氣醇正和樂且閒早年鄉黨身名俱顯晚歲家
庭和睦相因孝於事親人無間言誠於奉祀能格神
人待人仁厚持心謹慎清濁無失王伯能辨大而婚
葬小而茶飯裁之以禮不失尺寸雅好詩禮繼世衣
冠益昌其門頗尚林泉佳懷清趣尚存遺篇餘事文
章辭達義盡非學字好心正畫新嗚呼小子忝在外
甥視若己子情誨下通老且益強謂享百其一疾

作永隔幽明身雖逝矣百世播芳今去泉臺必入仙
局數行哭輓未吐衷情精靈在上庶幾來享嗚呼哀
哉嗚呼痛哉尚饗

家狀

府君諱洪九字正執號湖隱吾延安之李唐中郎將
諱茂從蘇定方平百濟食采延安仍貫是爲肇祖至
諱襲洪高麗太子詹事五傳諱元發號隱峯入國
朝抗節不仕 贈左議政生諱貴山刑戶兩曹判書
四傳諱埽直提學 贈吏曹判書再傳益峯諱樹翰
林 贈領議政延寧府院君生華陰諱昌庭文科成

鏡道觀察使生鏡巖諱梲持平 贈吏曹判書生諱

悠徵同中樞自京始居扶安生諱漳通德郎自扶安

徙居長沙生南下諱萬華成均生員有學行鄉黨推

重於府君五世溪隱諱之亮 贈叅書松北諱周延

贈丞宣雷齊諱瓊德 贈副卿高曾若祖考平岡

諱重基叅奉陞丞宣文行克家妣貞夫人昌寧成氏

環鎮其父諱溫惠端淑有女士行 高宗庚辰四月

一日舉府君于平地里舍府君生而狀貌魁偉聰穎

異凡自學語便識字聞塾兒讀書傳誦不錯及上學

日課數十百言如誦己言內有父祖之訓誨外有嚴

家狀

皇朝三品和碩三

師之繩督文思日進屈儕輩長老器重之甫成童五
書五經循環熟讀而加百千之工有自得之妙孝友
根天日常侍奉愉色婉容先意承順出告反面雖細
微必稟命而後行親或有不安節夜不交睫衣不解
帶只以問醫劑藥為務疾止復初兄弟四人府君序
居二友愛尤篤聯業講劇娓娓有切偲之道人謂楊
家春津歲丙午伯父府君奄棄色養府君如失父哀
呼不已而奉率之責獨自擔夯居處于宗家使長姪
成就當家然後歸家甲辰筮仕 獻陵叅奉見時事
日非隱於林泉戊午奄遭內艱哀甚而無闕於禮晨

昏必哭進几還侍庭間平岡府君對人曰賴兒慰解
殆忘吾喪耦之感制闕朔望謁墓雨雪不廢而不使
平岡府君知之丁卯丁外憂殯歛葬祭如禮無憾而
哀踰於前喪每當忌辰哭擗如初謁廟展墓至老不
衰蓋天性然也府君性度剛直儀容寬雍對人接物
渾是一團和氣涇渭內明而稜角不露見人有善行
則雖疏必禮貌之若其驕奢惰慢者則雖狎必面折
之雅性好潔明窓淨几端坐看書至忘寢食而無一
點塵埃氣筆法又楷正摹寫冊子如串珠樣無一塗
抹處人謂之神仙中人每於春秋勝日携朋舊命酒

賦詩于禪雲長淵之間竟日忘歸曰此古人風味然
也當周甲不肖欲設小酌府君止之曰孺慕有倍他
日安忍置酒自娛以忘劬勞之恩乎吾所不取也與
隣友李主政錫奎聯棧作金剛行跨月而返每山空
月明之夜朗吟古人忠義立節詩不禁慷慨之懷呼
兒竟酒快飲數巡自語於心曰現今冠屨倒置江海
橫流挽回無術其作酒中人而已乎嘗戒不肖輩曰
吾家世仕于京一朝漂寓茲土不怨惡於人罔非祖
先薦佑之澤汝曹肖似則不至衰替淵冰持戒謙恭
自牧目今世波滔滔居無可樂求無可榮須以耕讀

爲家政勿使青氈舊業墜地甲申秋偶感疾數朔彌
留同年九月十三日觀化于正寢享年六十有五以
禮月葬所居坊七星村東麓負巽原配清道金氏諱
秀泳女胡剛公漸后四德咸備使府君無內顧憂先
府君一年生歿先府君二十七年戊午十月八日葬
平地里貪狼峯下甲原舉一男三女男卽不肖炳馨
女適文化柳昌煥晉州鄭琪默全州李鉉哲後室不
原白氏生二男一女男炳教炳哲女幼孫男喜寧炳
馨出餘蕃不盡書嗚呼府君孝友之性仁義之德寬
弘之量公平之見出而需世則可見其惠澤之及人

淡而適丁不辰藏而不市痛矣痛矣不肖痴童學蔑
於府君內根之志行外潤之醇德不能形容其萬一
畧記庭間所見聞與鄉人士之公頌罪負罪負切望
世之立言家使先人之行業以爲闡發俾徵信於來
世不勝懇禱之至不肖孤炳馨泣血謹書

墓碣銘

並序

李公洪九字正執號湖隱延安人也我東延安之居
甲猶中州之隴西世稱延李自肇祖茂以唐中郎將
從蘇定方平百濟食延安世襲顯達而高麗太子詹
事襲洪國朝贈左議政元發刑戶判書貴山直

提學埭翰林澍觀察使昌庭尤其著者也同中樞悠
徵自京下扶安通德郎漳又徙居長沙子孫仍居焉
子諱萬華號南下成均生員文行著稱於公五世祖
也溪隱諱之亮 贈叅書松北諱周延 贈承宣雷
齊諱瓊德 贈副卿其高曾若祖考平岡諱重基叅
奉階承宣陞嘉善文行克家金精玉潔仙儀於人中
有四男皆玉筍也而公居序二妣貞夫人昌寧咸氏
璟鎮之女以庚寅四月一日生公于平地里第方面
豐身雪肥玉膚學業夙成出語人輒驚之筆法楷正
成字人爭寶之後之人若見其心畫可知其爲人公

皇朝三才集卷之三

端古人所謂七分亶在於是乎甲辰筮仕 獻陵叅

奉見時事日非隱於林泉篤於奉親供甘極其精豐
人皆謂平岡平生安樂無憂矣兄子炳容丙午孤公
不家其家而家兄家不予其子而子兄子子孤而不
孤家空而不空立其孤克其家而後始家其家若公
可謂篤友人也戊午遭內艱丁卯丁外憂噫平岡公
喪明凡二十二年喪耦九十年而賴公慰解心不憂
容不戚公之就養左右可謂卓卓乎人不及矣公於
山見金剛未知於水見何於人見誰乎禪雲長淵公
之茶飯也明窓淨几必對古書風清月朗每誦淵明

歸去來辭孔明出師表噓唏久之待人以和酒棋常
設教子以方詩書不廢以甲申九月十三日終享年
六十五配清道金氏秀泳之女有齊德一男炳馨三
女柳昌煥鄭琪默李鉉哲後室水原白氏二男炳教
炳哲一女幼餘蕃不錄葬七星村後負巽之原後五
年今春子炳馨收遺文又將銘于墓謀其可者於族
姪水村璘寧水村曰友公者近在不遠求與公弟
丞九偕來強之余大笑曰吾豈文字酬人者哉雖然
口却不如露醜露醜則自却何必不恭哉遂銘之曰
處於今而心常古和於俗而行不流平生所慕在金

剛應是英靈去長留戊子暮春吳秉壽撰

跋

嗚呼惟我延李之居茂土自八世祖同樞公諱悠徵
之子通德公諱漳始焉恭惟上世冠冕之聯奕勲業
之卓蔚史不絕書何其盛也挽近私門門祚沉微未
克守紹述之萬一可勝歎哉至六世祖南下公諱萬
華潛究經學以至行著稱 肅廟庚申中生員試試
策二帖弃在舊篋中手澤尚存班班如昨爲其後裔
者歟粧璽讀孰不興感于中耶歟雖片言隻字重光
蹟人之至情也是歲戊子孟春從弟炳馨爰謀摹寫
而付剞劂欲爲壽世之傳於是乎孝思旁及且傳會

以祖考府君平岡公及仲父湖隱公兩世遺稿詩若
文畧千而就其粧黃之日目之曰鹽城三世稿蓋鹽
城延安舊號也三世稿三府君手澤也顧其名而思
其義則由乎實其蹟之故爾以是詢于族姪水村璘
寧亦年富學淺有見之士也助叅是役唯曰於義何
害之有噫平岡公少習程文之工高宗時累登鄉
解而未展於禮闈亦命也詩義文守存不蠹觀者珍
誦咸有惜哉之歎若乃湖隱公之才學見稱於鄉黨
能於詞賦精於筆法遺韻之著於手編者章章焉此
三世之大畧如此云臨楮茹泣安敢逃僭越之罪也

戊子正月日同樞公八世孫不肖炳容謹書

歲戊子季夏

湖隱齋開刊

臣等謹將
和議
三
三

鹽城三世稿跋







